

光緒永嘉縣志

永嘉縣志卷之三十三

藝文志九

詩外編

歷代御製

宋眞宗賜張無夢還山詩

先生義皇人辭我將安適自言歸東國擇地煉秋石白雪
流瓊漿黃輦湧金液火候契參同變化合周易丹成未上
天應須待飛鳥

明宣宗瑞香花詩賜內直錦衣謝廷循

有序

瑞香花有數種或紅或白或紫蓋唐宋人多有賦咏之者
予亦見諸短篇云瑞香花葉如織其葉非一狀花開亦
殊色或如瑪瑙之殷紅或如玉雪之姿容或含淺絳或深
紫細裝疊萼芬玲瓏臘後春前花未放先春獨占梅花上

繞枝芳意露
蕩香風拂面時
初疑沈檀
花樹高三尺
強山桃野杏
動踰丈得似
幽叢紛馥香

世宗答張元輔報敬一亭成詩

亭石森嚴立
史堂欲從此
處建經常身
修本自心先
正治國原夫學
有威敬矣誠
哉須警勵純
乎一也勿乖
張忠賢同心
匡爾辟邦奠
民安為祖光
建亭名敬一
地維白玉堂
純疵須力審
誠怠必精詳
欲存終始念
翻恐私欲妨
爾希說臣副
我朝夕望羹
調必鹽梅作
聖須臣良爾
其交修子庶
幾免愆忘

秋日卽事詩三章賜元輔張羅山

秋露涼風序
已遷老農獲
稼喜盈田待
到倉箱封溢
後漁人樵叟
共懽連肅肅
西風報素秋
訓將操戈慎
圉郵士餉充足
鐵騎壯怡然
方可緩吾憂
拂樹金風動
袞裳滿天商
吹起新涼農
家萬寶收成
後十里遙聞
禾黍香

蜡樂詩賜張元輔

蜡樂當今日金門宴禮宣嘉平殷典著清祀夏書傳
勞農休田叟浴蠶勤室娟將迎新歲至爲欣萬物鮮
大明壇分獻詩賜張少保

戊子春正吉郊祀禮祇行陪神日爲首陽宗日大明
良輔承獻奠少保捧香羹神鑒昭有格爲喜不勝情
遣祀孔子詩賜張少保

聖祖垂典則仲春祭宣王茲予纘大服稽首罔敢忘
傳制命輔臣欽享鑒忠良堪嗟松柏空蔭我師堂
祇先蠶壇位賦賜張元輔

朕惟王業兮農桑爲先我欲務本兮志未克前乃此苑中
隙地兮是爲文祖之宮原卽於其內以事耕織兮聊以示
無逸而不敢怠愆同元輔以暨秩宗兮謀惟吉全當陽春
而仁風播和暢兮草木芊芊以詠以游兮惟樂康年仰遵
我聖訓而同游兮惟賴忠良以
夾持爲顙庶俾朕敬承乎昊天

宋

謝靈運遊赤石進帆海

首夏猶清和芳草亦未歇
水宿淹晨暮陰霞屢典沒
周覽倦瀛壖況乃凌窮髮
川后時安流天吳靜不發
揚帆采石華挂席拾海月
溟漲無端倪虛舟有超越
仲連輕齊組子牟眷魏闕
矜名道不足適己物可忽
請附任公言終然謝

石壁精舍還湖中

昏旦變氣候山水含清暉
清暉能娛人游子憺忘歸
出谷日尚早入舟陽已微
林壑斂暝色雲霞收夕霏
菱荷迭映蔚蒲稗相因依
披拂趨南徑愉悅偃東扉
慮澹物自輕意愜理無違
寄言攝生客試用此道推

命學士講書

臥病同淮陽宰邑曠武城
絃歌媿言子清淨謝伏生
古人不可攀何以報恩榮
時往歲易周年來政無成
曾是展予心招學講羣經
錄金旣云刃燬土亦能鏘
望爾志尙隆達嗣竹箭聲
敢謂荀氏訓且布蘭陵情
待罪豈久期禮樂俟

賢明

發歸瀨三瀑布望兩溪

我行乘日垂放舟候月圓
沫江免風濤涉清弄漪連
積石竦兩溪飛泉倒三山
亦既窮登涉荒謫橫目前
窺巖不覩景披林豈見天
陽鳥尚傾翰幽篁未爲遠
退尋平常時安知巢穴難
風雨非攸愴擁志誰與宣
倘有同枝條此日卽年千

於南山往北山經湖中瞻眺

朝旦發陽崖景落憩陰峯
舍舟眺迴渚停策依茂松
側聽既窈窕環洲亦玲瓏
俛視喬木杪仰聆大壑淙
石橫水分派林密蹊絕蹤
蹊解作竟何感升長皆半容
初篁苞綠簪新蒲含紫茸
海鷗戲春岸天雞弄和風
撫化心無厭覽物眷彌重
不惜去人遠但恨莫與同
孤遊非情歎賞廢理誰通

植桑

永嘉縣志

卷三十三

三

詩人陳條柯亦有美擡剔前修爲誰故後事資紡績常佩知方誠塊微富教益浮陽鷺嘉月載桑迨閒隙疎欄發近邗長行達廣場曠流始誌泉緬塗猶跼踖俾此將長成慰我海外役

梁

何遜贈邱永嘉徵還

龍馬魚腸劍蹤蹀起風塵結客葱河返喧喧動四鄰入墟猶憶舊德卷復疑新窺見應門出遙識下機人相悲淚欲下離別方自陳

陳

徐陵別毛永嘉

願子厲清規歸來振羽儀嗟予今老病此別恐長離白馬君來哭黃泉我詎知徒勞脫寶劍空挂隴頭枝

唐

孟浩然秋登蘭山寄張五

名

北山白雲裏隱者自怡悅相望試登高心飛逐鳥滅愁因
薄暮起興是清境發時見歸村人沙行渡頭歇天邊樹若
薺江畔舟如月何當
載酒來共醉重陽節

宿永嘉江寄山陰崔少府國輔

我行窮水國君使入京華相去口千里孤帆天一涯
臥聞海潮至起視江月斜借問同舟客何時到永嘉

尋張五迴夜園作

閒就龐公隱移居近洞湖興來林是竹歸臥谷名愚
挂席樵風便開軒琴月孤歲寒何用賞霜露故園蕪

永嘉上浦館逢張八子容

全唐詩錄

逆旅相逢處江村日暮時眾山遙對酒孤嶼共題詩
解宇鄰蛟室人烟接島夷鄉園萬餘里失路一相悲

永嘉別張子容

永嘉縣志

卷三十三

四

舊國子歸楚新年子賀正掛帆愁海路分手戀朋情
日暮故園意江洲春草生何時一杯酒重與季鷹傾

張子容送孟浩然歸襄陽

東越相逢地西亭送別津風濤看解纜雲海去愁人
鄉在桃花岸山連楓樹春因懷故園意歸與孟家鄰

永嘉郎事寄贛縣袁少府瓘

山繞樓臺出溪通里閭斜曾爲謝客郡多有逐臣家
海氣朝成雨江天晚作霞題書報賈誼卑濕似長沙

自樂成赴永嘉在路返白湖寄李少府

西行礙淺石北轉入谿橋樹色烟輕重湖光風動搖百花
亂飛雪萬嶺疊青霄猿挂臨潭篠鷗迎出浦橈惟應賞心
客茲路不言遙

永嘉作

拙宦從江左投荒更海邊山將孤嶼近水共惡谿連
地濕梅多雨潭蒸竹起烟未應悲晚髮炎瘴苦華年

泛永嘉江日暮迴舟

無雲天欲暮輕鷗大江清歸路烟中遠迴舟月上行
傍潭窺竹暗出嶼見沙明更值微風起乘流絲管聲

王維戲贈張五弟諠

王右丞集

吾弟東山時心尙一何遠日高猶自臥鐘動始能飯領上
髮未梳牀頭書不卷清川興悠悠空林對偃蹇青苔石上
淨細草松下軟窗外鳥聲閒階前虎心善徒然萬象多澹
爾太虛緬一知與物平自顧爲人淺對君忽自得浮念不
煩遣張弟五車書讀書仍隱居染翰過草堂賦詩輕子
虛閉門二室下隱居十年餘宛是野人野時從漁父漁秋
風自蕭索五柳高且疎望此去人世渡
水向吾廬歲晏同攜手只應君與予

送張五歸山

送君盡惆悵復送何人歸幾日同攜手一朝先拂衣
東山有茅屋幸爲掃荆扉當亦謝官去豈令心事違

故人張諠工詩善易卜兼能丹青草隸頃以詩見贈聊復

酬之

不逐城東游俠兒，隱囊紗帽坐彈碁。
蜀中夫子時開卦，洛下書生解詠詩。
藥欄花徑衡門裏，時復據梧聊隱几。
屏風誤點惑孫郎，團扇草書輕內史。
故園高枕度三春，永日垂帷絕四鄰。
自想蔡邕今已老，更將書籍與何人。

答張五弟

終南有茅屋，前對終南山。
終年無客長閉關，終日無心長自閑。
不妨飲酒長垂釣，君但能來相往還。

送張五諶歸宣城

王右丞集

五湖千萬里，況復五湖西。
漁浦南陵郭，人家春穀溪。
欲歸江淼淼，未到草凄凄。
憶想蘭陵鎮，可宜猿更啼。

杜甫送裴虬尉永嘉

孤嶼亭何處，天涯水氣中。
故人官就此，絕境與誰同。
隱吏逢梅福，看山憶謝公。
扁舟吾已就，把釣待秋風。

李頎臨別送張諶入蜀

全唐詩錄

出門便爲客惘然悲徒御四海維一身茫茫欲何去經山
復歷水百恨將千慮劍閣望梁州是君斷腸處孤雲傷客
心落日感君深夢裏兼葭渚天邊橘柚林蜀江流不測蜀
路險難尋未有相思號猿多愁苦音莫向禺山隱禺山地
非近故鄉可歸來眼見芳菲盡

錢起寄永嘉王十二

永嘉風景入新年才子詩成定可憐夢裏還鄉不相見天
涯憶戴復誰傳花傾曉露垂如淚鶯拂游絲斷若絃願得
迴風吹海雁飛書一宿到君邊

顧況永嘉

東甌傳舊俗風日江邊好
何處樂神聲夷歌出烟島

項斯送友人之永嘉

長貧知不易去計擬何逃相對人愁別經過幾處勞
城連沙岫遠山斷夏雲高猶想成詩處秋燈半照檣

趙嘏送張又新之任

東晉江山稱永嘉莫辭紅旆向天涯
凝絃夜醉松亭月歇馬晚尋溪寺
花地與剡川分水國境將蓬嶠共烟霞
卻愁明詔徵非晚不到秋風見海槎

司空圖寄崔道融旅寓永嘉

旅寓雖難定乘閒是勝遊
碧雲蕭寺霽紅葉謝村秋
戍鼓和潮暗船燈照島幽
詩家多滯此風景似相留

陳陶永嘉贈別

芳草溫陽客歸心浙水西
臨風青桂楫幾日白蘋溪

方干送永嘉王令之任二首
元英先生集

定擬孜孜化海壖須拚素髮侮流年
波濤不應雙溪水分野長如二月天
浮客若容開荻地釣翁應免稅苔田
前賢未必全堪學莫讀當時歸去篇
雖展縣圖如到縣五程猶入縉雲東
山間閣道盤巖底海界孤峯在浪中
禮法未

聞離漢制土宜多說似吳風字人
若用非常術唯要旬時便立功

宋

楊億次韻和訓永嘉聶從事除夜之什

武夷新集

三百六句今夜盡寥寥虛室獨凝神蓮城五鼓欲催曉梅
嶺一枝先報春鄉律漸吹陰谷暖堯堯看傍土階新海隅
留滯年華長坐對寒缸浩歎頻

林逋送僧機素還東嘉

康樂遺踪地言歸已有期江流富春闕山踏枯蒼危
錫潤飛晴靄羅寒瀝曉漸東巖有幽石應許折松枝

趙卞贈鄭賡高士

趙清獻公集

易有幽人象天垂處士星知音辭相府歸養爲親庭
閑和碧雲句深窮白首經惟賢二千石優顧眼尤青
早離溫江夜泊白沙步

曉與諸孫別依然頗動懷去乘蘭棹穩行得綵衣偕
漁父遙連市村扉半掩柴夜歸溪上宿夢已在高齋

自溫將還衢郡題謝公樓

鴈蕩周遊遂此過永嘉人物竟如何三賢籍籍風流守一
宿息息證道歌城腳千家具舟楫江心雙塔壓濤波因留
子舍欣踰月歸去吾知所得多

宿象浦驛記夢

昔歲阻風京口日今離象浦復徘徊
姓江名靜人何許昨日依然入夢來

楊蟠詠永嘉

一片繁華海上頭從來喚作小杭州水如棋局分街陌山
似屏幃繞畫樓是處有花迎我笑何時無月逐人遊西湖
宴賞爭標日多
少珠簾不下鉤

許景衡次韻周共叔五首 錄二

黃卷開三館紅塵又幾年
多須藥物旅寓費囊錢
舊學空無意斯文祇任天
軒軒千里鶴可但戲芝田
鄰並端如約追隨可判年
稻粱當富歲魚蟹不論錢
春到花開處霜餘橘熟天
清尊長嘯傲滄海半桑田

寄薛十七巨源

茅屋西山曲攜書喜見過
別離驚歲月淹泊奈時何
未俗皆浮誕斯文肯琢磨
後生餘力在吾意已蹉跎

寄劉元禮

東郡趨鋒召西廳振羽儀
微言元白得夫子更誰師
文物今爲盛賢能衆不遺
秋風看鵬鶚碧海盡蛟螭
妙選追前輩高標照一時
綵衣供戲樂絳帳欲歸遲
念昔羣居盛論文非我私
艱難良自信出處不無疑
騏驥方千里鷦鷯但一枝
田園日牢落浩蕩故山期

送丁剛巽還鄉

問君謁告還鄉曲來往途程得幾時
莫怪杯盤能草草只緣行李弗遲遲
遲路從雁蕩靈山好秋入鴈原草樹衰京國

艱難同旅食而
今莫遣老人知

護國寺

小詩聊記鳳凰游
彷彿東林水石幽
已愧高僧與摹刻
更煩諸老數賡酬
簿書底事長遮眼
林壑何曾肯轉頭
會待從公白蓮社
杖藜來往亦風流

鄭剛中送林懿成解兵掾

公喻如龍媒
秋游身有神
暫此地上行
氣壓凡馬羣
我喻如麋鹿
野性不受馴
逼迫到城市
邇邇常畏人
自知兩相懸
無以追後塵
故其拜典謁
曠廢不及頻
時於清夜夢
論議容相親
公今瓜過期
行色催車輪
窮達稍異趣
細歡復何長
悔不忘鄙陋
日爲門下賓
周旋奉誨語
藥此傷敗身
追念已無及
攀緣寧有因
但能側兩耳
聽公登要津
上固知倪寬俗
吏徒云云

送張季平歸永嘉

霜葉搖風九月秋披披歸袖挽難留知君久作陶山夢無
意相從鄭谷游率畧杯盤常共醉艱難身世最同憂人情
易得成疏冷頻有音書寄我不

王汝水心先生墓下作

羣賢小集拾遺

排雲上殊庭備物儼神道含酸步逶迤積痼思遐縹乘風
來帝旁說駕落窮島百聖集會期萬化資斧藻瞻前鳳飄
飄顧後龍矯矯寶璐列中華韶音被夷獠肅肅闕里牆姜
姜墓林草誰尸兩盃夢而復悲一老曩余稚養蒙今日幸
茹蓼超然欲徑陳宵爾竟虛抱育德德何成果行行何造
河彼江海流不納此行潦青松珠露團怪石紫烟遶千年
萬年垂封樹等穹昊

周必大陳君舉示張孝愷行狀且求詩孝愷嘗攝令華亭

有善狀

省齋文集

簡惠唐蘇合文章漢甲科滿朝空慰藉漫仕竟蹉跎
有命窮何病無年理則那輓謳嗟不及留與邑人歌

楊萬里送薛子才下第歸永嘉

誠齋集

河東鷺鷥志青天冀北麒麟受玉鞭二十年前元脫穎五
千人裏又遺賢請君更草凌雲賦老我重看折桂仙趁取
春風雙鬢綠緣收科誰後復誰先

乙未和楊謹仲教授春興

歸歟還復換年芳不分官梅惱石陽黃帽正堪供短棹白
頭可更獻長楊忽逢社裏催搜句安得花邊對舉觴天上
含香有知己彈冠端復爲王陽

謝木韞之舍人分送講筵賜茶

吳綾縫囊染菊水蠻沙塗印題進字洎熙錫貢新水芽天
珍誤落黃茅地故人鸞渚紫微郎金華講徹花草香宣賜
龍焙第一網殿上走趨明月璫御前吸罷三危露滿袖香
烟懷壁去歸來拈出兩蜿蜒雷電晦冥驚破柱北苑龍芽
內樣新銅圍銀範鑄瓊塵九天寶月霏五雲玉龍雙舞黃
金鱗老夫平生愛煮茗十年燒穿折腳鼎下山汲井得甘

冷上山摘芽得苦梗何曾夢到龍遊窠何曾夢吃龍芽茶
故人分送玉川子春風來自玉皇家鍛圭椎壁調冰水烹
龍魚鳳搜肝髓石花紫笋可衙官赤印白泥牛走爾故人
氣味茶樣清故人風骨茶樣明開緘不但似見面叩之咳
唾金石聲麴生勸人墮巾幘睡魔遣我拋
書冊老夫七椀病未能一啜猶堪坐秋夕

范成大送周直夫去非教授歸永嘉

石湖詩鈔

青燈相對話儒酸老去羈遊自鮮歡昨夜榕溪三寸雨今
朝桂嶺十分寒知心海內向來少解手天涯哀口難一笑
不須論聚散少
焉吾亦跨歸鞍

王十朋永嘉盧仲脩永年袖文見訪酬以短句

王忠文集

地僻原名左天寒歲欲徂遙遙屈佳客得得訪潛夫
一第且愿子八篇真起予蜚聲參四傑誰復敢前盧

送何希深舍人赴召

十年持節國西門萬里東歸德愈尊平叔淵源易論語子
雲遊戲字方言坐令國體還元氣重見文星照掖垣廊廟

諸公倘相問爲言真欲老田園

送丁惠安按康臣知惠安

某假守溫陵獲觀七邑之政治行可稱者三四人然未有出惠安之右者以嚴明爲治而濟以廉平以撫字爲心催科不擾而辦每至郡必講論民間利病田落海而稅不除官鬻鹽而民受害凡此類郡皆行之民無訟牒犴獄屢空是宜邑人懷德繪像而祠之也於其行也詩以送之把麾平海看操刀惟我鄉人治最高但見武城人易使不同梁竦職徒勞民懷其德祠生立吏必如公責始逃聞說朝廷考臧否僉言卓茂德宜褒

贈陳教授正仲名

益友平生所愿親南來深喜得斯人淵源師杜真知體人物如平豈久貧絳帳可能掩教育掖垣便合掌絲綸臨行贈我五百字楚璧隋珠不足珍

題宋莊

地環碧玉軒窗瑩舟入紅雲笑語香
下筆慚無少陵句老懷徒愛宋公莊

樓鑰永嘉天慶觀

攻媿集

斗口橫安華蓋山茂林脩竹路彎環琳宮迴出滄瀛表羽
士如遊崑閬閒東挹江山窮望眼西臨闌闌笑塵寰自知
去此無多日著意來尋一晌閒

富覽亭

城郭占佳勝眼高貞白鼉霜天開浩蕩雲屋涌嵯峨
四面山總好東牕江最多腳跟盤巨石吞吐任風波

送趙振文主簿

去去江西不作難片帆雙槳蕩秋滿已知宦業非時樣尤
喜情親耐歲寒志大自然羞附驥官卑何用歎棲鸞少卿
膝上加文度更比年時刮眼看

送王木叔推官分韻得錦字

王郎天下士中和自生稟澹然初無營見者輒歛衽幕中
資婉畫處事極精審與人如恐傷律已淵冰懷深恐馬駭
輿要使鵝食甚一寸憂國心幾年不甘寢此意大未酬退
靜若已甚使之行所學庶幾人奠枕向來孰閒之未免斯
立噤川泳而雲飛賴有東陽沈露章極推轂分韻句裁錦
風流有如許不復嘆踴躍如君豈蓬蒿人物妙流品才應
奉香火爲養謀祿廩與君幸瓜葛心交今十稔豈惟我惜
別行道情冉冉紅蓮色何似翠柏風愈凜願君疎藥裏一
意護茵飴棄鼎寶康瓠浮名如拾藩行矣無多言臨歧且劇飲

盧甥申之自吳門寄顏樂閒畫牋

年來吳門箋色澤勝西蜀春膏最宜書葉葉瑩栗玉賢甥
更好好奇惠我小畫幅開緘絮殷紅展玩光溢目巧隨研光
花傳色溼丹綠桃杏春共嫵蘭桂秋始肅趙昌工折枝露
華清可掬妙手真似之藏弄不忍觸苟非歐虞輩誰敢當
簡牘又聞樂閒君古篆頗絕俗併求數紙書寄我慰幽獨

木蘊之國博遷居

寄齋今日又遷居門巷相過五尺餘王子何妨借人屋淵明不必愛吾廬大千眼裏無非寄三十乘中皆是書祀寵卜鄰無用爾祇今天上有鋒車

陸游至永嘉有序自來福州詩酒殆廢北歸始稍稍復記尊酒如江綠春愁抵草長但令閒一日便擬醉千觴柳弱風禁絮花殘雨漬香客遊還役役心賞竟茫茫

同永嘉守宿江心

使君千騎駐霜天主簿孤舟吟不眠好與使君同愜意卧聽鼓角大江邊

陳傅良懷盛國守鄭少卿景望止齋集

一日一度過短牆三日風雨撓我腸天球河圖在東序保障繭絲分晉陽我欲從之茗水遠搔首不見月滿廊笑看兒女羅列拜老人星下燒夜香

送葉正則赴浙西憲幕

頻年送行客，酒罄詩不工。最晚與君別，奈此百感叢。岐山有鳴鳳，雅頌移幽風。於時二老生，出處海上同。曹劉對七箸，失色一語中。明朝蜀江水，不與灞漭通。人心起毫末，世故關鴻蒙。乃知貧賤交，不下王霸功。霜根宿病驥，雲帆背蜚鴻。秋水能隔人，白蘋況連空。相從自束髮，各去隨轉蓬。今懷欣有合，後會苦未重。鱸魚直萬錢，羊酪醅一鍾。願君養盛年，我友半已翁。

送陳益之架閣

論事不欲如戎兵，欲如衣冠佩玉嚴重而寬平。作文不欲如組纁，欲如疎林茂麓，竊窈而敷榮，楨幹益亦煩繩墨。滋味何如餘典則，吾宗受才萬人敵，排空所向無遺力。親喪三年，面漆黑交情一語千金璧。明朝不爨，軒撼壁裘馬借人無德色。作掾閩山可蹤跡，擬將秉杆空螟蟻。相君有令民未得勿問堂高若干尺，春江瀾渺風張席。欲言江水何終極，貧賤相依鬢毛白。吾可雷同名送別，浩歌未放情彌激。君看風雅詩三百，亦有初章三歎息。

和張孟阜歲旦韻

白髮朝看鏡青鐙夜數更文章翰善宦名字誤浮生
廢學兒鼾睡安貧婦饁耕從今定逢吉吾已卜先庚

送潘德久之官建康

平生不解通毛刺萬事無能改鬢華豈是襟懷堪逆旅直
須詩句可名家老爲賓客從戎幙強使妻孥理帽紗不有
將軍寬禮數新愁卻恐墮江花

蔣處州仲可惠酒

括州太守山亭侯及與前時一輩游臍欲池塘看芳草漫
隨烟雨上危樓無錢可解催科拙有酒能寬放逐愁可笑
杜陵嚴武客時時傍舍過牆頭

寄題薛象先新樓

矮簷風雨送蝸牛有客來誇百尺樓閩郡臺池皆下瞰背
城湖海亦全收清時未放徒高臥半世何爲故倦遊解盡
橐金君計決月明長笛起漁舟

酬劉進之

冰柱劉叉句綈袍范叔寒所親多物望相識半人寰
今老猶徒步吾窮亦厚顏幽懷眞易足萬卷屋三間
張鉉送葉正則祕郎參議湖北帥幕

南湖集

桂隱無期報朝賢去卻知累年艱特薦一事必憂時
盛世未應爾重來猶可爲相過非爲數公論合勤思

永嘉張仲思相士過訪坐閒索詩

便靜非形色相逢子獨知功名槐蟻話文字壁魚癡
剩取朝賢譽何須隱者詩南湖鷗正狎休誤鳳凰池

送許深甫宰分宜

崢嶸飛藻妙無前朗朗披懷萬丈淵久矣願交嗟迹異茲
焉覲面實心先雪窗政握持盃手風激驚排轉柁船名宦
祝君誠長語安心西去試鳴絃

劉宰題永嘉寺壁

漫塘文集

石泉飛下寶蓮宮似聽鈞天奏未終
千古風流謝康樂可無屐齒此山中

同葉恭叔鄭節卿飲於趙子野官舍分得壺字

相望各千里相逢酒一壺交情貫金石詩思渺江湖
夜雨滋園菊秋風落井梧歸歟吾有日聚散一長吁

送高桂陽不倚之任

清才盛合駕綬車天上新分竹使符此去專城重摩撫向
來涉筆幾嗟吁南州想見歌何暮北府猶聞戒疾驅更恐
掖垣須敏手未應千騎出重湖一笑相逢此道同別來
木末幾青紅自隣老去北窗下猶得身棲廣廈中良夜擬
乘千里月神山竟隔一帆風贈行
更愧留行者遮道歌翻別駕功

送戴子家歸永嘉

君住柑溪第幾山我家北渚水雲間二千里遠來非易三
五朝留勿作難有子已知頭角異安心盛恤鬢毛斑尺書
頻寄問無恙共
樂生前日月閒

挽葉水心侍郎適

北學源流遠南來歲月遷羣心知未昧諸老屹相連百歲
同歸盡斯文要有傳宵長殘月墮遺恨渺山川嘉會欣
千載偏安隘一方言言本周孔草草笑隋唐禁路無停轍
江流有巨防空餘遺藁在萬古日爭光憶袖襦衡刺嘗
登元禮門相忘如舊識一笑等春溫東望山
川遠西歸歲月奔遙憐人築室烟鎖暮江昏

劉過除夜寄盧申之集

龍洲

見說盧夫子詩成手自書雪須金帳暖雲蔭玉川居
柳葉儲名酒萍蘓薦野蔬夜寒視犢鼻應念馬相如

陶敖孫再用晨吐字韻寄潘德久

集耀翁

舍人賓日姿起居庭燎晨豈惟瑞朝廷薦紳目多聞就如
田甲謝死灰果不然那知碩果剝中有一念仁稽古得微
酬樞具義進賢琴爲悲風彈茶必活水煎平生轉巷詩小
當壽千年忽聞朔方騷更欲腰黃間向來樸朔豪日者今
華顛下客時覘君車茵陽醉吐萬事君不理傳聲拒開戶
雖然臭味合更覺心貌古書雋嶧山棗羹臙首陽苦坐令

府西門平輿說二許君當我輿臺銀艾心已灰尙有西山
絲共待石髓開神仙覺易與詩句端難裁却後五百年化
鶴吾獨來

真德秀送永嘉陳有輝

西山文集有序

永嘉陳君有輝潛心易學許以所著示余余未及請而君
歸矣拙詩贈行且堅再會之約云 深山讀易如康節白
首談玄似子雲肯學時流誇末技却於聖處策奇勳二圖
君已窺微指十翼吾方媿淺聞得意春風重過我綠波清
夜話義文

趙蕃呈許深父及之

路入分宜縣心馳月旦評參差萬古合曲折亂灘行
江右孰茂宰斯人垂大名鳬飛看公人鳬墮黯余情

次韻深父送行

吾行殊坎珂此地極淹留少欲破萬卷老惟思一邱
謾言詩作祟長愧食爲謀穠蓁君其務農良乃有秋

趙汝鎡送胡判官赴官永嘉

野谷詩藁

君赴蓮池戍離愁正值秋持觴送南浦鳴櫓下東甌
才俊推烏幕風流訪謝樓欲窮奇絕處須上雁山頭

秋日同王顯父趙子野何莊叟泛湖趙紫芝繼至分韻得

秋字

雨餘湖更爽載酒共清遊天淨倒涵水峯高爭獻秋
風烟入吟筆簫鼓自鄰舟隄上詩人過相邀便肯留

姜夔和轉菴丹桂韻

白石道人集

野人復何知自謂山澤好來裨奉常議識笳鼓羽葆誰憐
老垂垂却入閑浩浩營巢猶是寓學圃何不早淮桂手所
植漢甕躬自抱花開不忍出花落不忍掃佳客
夜深來清尊月中倒一禪兩居士更約踐幽討

次韻德久

籬落青青花倒垂避人黃鳥雨中飛
西郊寂寞無車馬時有溪童賣菜歸

葛天民和子舒冷泉夜坐

無懷小棗

亭空山盡人人靜夜初分喬木陰遮月清泉影浸雲
不題波上葉只採礪中芹澗水令人憶何當入郡聞

答趙紫芝

九月離東嘉長安了歲華未登揚子渡先訪葛翁家
天作今朝雪燈開昨夜花一杯能強飲不必問丹砂

送薛子舒船官

憶君江上去船重載書多學乃從吾好閒應喜客過
薰風新綠樹明月舊滄波自古關情處相思入詠歌

訪紫芝回與子舒集

君參唐句法親得浪仙衣薄宦因吟苦高風與世違
春寒留夜飲月黑借燈歸共隱知何日空山老蕨薇

趙起澹題周恭叔謝池讀書處

粉蝶黃蜂二月天初晴已覺十分妍市橋船繫垂垂柳花
寺鐘敲淡淡烟幽趣靜看青鳥啄閒情獨羨白鷗眠謝家

風月今何許總
入池塘夢裏篇

趙肅遠中秋西橋飲酒和盧申之韻

翠蘋風起落殘虹秋月正圓秋氣中但怪肩吾輪桂長未
容文舉酒樽空帆歸南浦潮回北人散西橋斗轉東烏鵲
高飛驚遠目誤疑天際有來鴻

周文璞送薛子舒

方泉先生集

龍泉餞語餘便使借船居津吏方抽木官人但載書
潮通白石石身近碧鯨魚一卷新文就臯禽亦自如

趙希邁吳中秋夜懷瓜廬諸友

西里集

涼分一半秋此夜客吳川無侶共明月喚僧同倚樓
天虛雲氣盡風靜桂香浮遙憶前年醉狂吟滄海頭

南臺徐靈暉徐靈淵皆有作

山峭石臺平天低可摘星岸回分水勢城缺見州形
曉樹來孤鶴春吟憶二靈客行貪訪古柳下一舟停

翁卷和陳待制秋日湖樓宴集篇

葦碧軒集

一夕鳴雨來秋容變俄頃湖山屬初霽風烟帶數令時近
設芳筵開樓甌澄景懷我林下人招攜共觀省碧草鋪近
洲白雲冒遙嶺依稀蘭杜香髣髴蕭湘淨撫化
篇忽成達生累全屏卽是造物游何必神仙境

送葉任道

英英橋門彥聲動翰墨場已就沖天翼如何復低翔茲辰
首征途言尋八柱鄉遠士望模式會府欽才良莫以瓊樹
姿怨彼霜霰妨委順要達識沮挫知堅剛改序逢清和飛
花點行裝登涉山川異經從道路長聽猿過南嶽採芷沿
三湘應懷古騷人搦筆爲篇章行藏義在需通塞時靡
常大器且自惜晚成亦何傷蓬藏幾仙伴仲子歸班行

寄趙靈秀

千山落葉深高樹不藏禽游子在何處故人勞此心
閒燈妨遠夢寒雨亂愁吟僧爽曾相約花時共一尋

送趙紫芝爲江東從事

非惟篇翰奇吏道更深知山水六朝地登臨三考時
泥沙多舊物風日少全碑正屬黃花發愁聞有別離

送薛子舒赴華亭船官

君到雲間日應分二陸名縣圖山色少井味海潮并
剡局三年印春風半月程野人因買鶴曾向此中行

送徐靈因永州司理

君向零陵日分攜又雪天地遙行幾郡官小度三年
蘭芷芳條潔瀟湘翠色連從來苦吟思歸賦若多篇

石門菴

山到極深處石門爲地名嵐蒸空寺壞雪壓小菴清
果落羣猿拾林昏獨虎行一僧何所得高坐若無情

送劉成道

客中仍送客羸病若爲心沿路萬千景費君多少吟
出門梅雨滑浮棹浙河深莫放旅愁起聞蟬思舊林

南塘卽事

半川寒日滿村烟紅樹青林古岸邊
漁子不知何處去渚禽飛落拘骨船

陳則翁羅浮山

乾坤未失鹿滄海欲飛灰人已逃時去山猶擇地來
寒流清有影怪木老非梅西有龍翔寺禪門徹夜開

江心寺

誰把袈裟築半江倚雲樓閣打天鐘東西塔上自分巖風
雨聲中忽見龍隔岸愁吹孤戍角歸鴉寒立夕陽松舊時
行殿成荒土烟草栖栖暝色重

劉正之送別趙紫芝

夫君落落天馬姿聲名早與賀白馳錦囊千首不療飢非
詩窮人窮乃奇憶昔聞君未識面獨傳句法誇清健揭來
白下一相逢傾蓋論心會幾見劃然起松春江流我亦江
頭尋去舟人生相聚會有別江水江花無盡愁萬事不如江
歸去好石田茅屋生春草如君自是玉堂仙輕車
緩轡長安道春日遲遲柳依依攀柔條兮送君歸

杜旃別江陰宰魏元長兼呈王木叔使君

集癖齋

荆山抱璞自遭毀漠漠胡沙埋皓齒
齒韶正音或出爨下桐千年憤鐵一日變化成蛟龍
人生相歡貴知己必不相知異生死豈不見豫讓不報中行氏又不見聶政殺身酬仲子

徐行贈閤門潘舍人

清蹕聲中玉笋班五雲光裏侍天顏
至尊端拱通明殿上閤來從飯顆山
旄節行將千騎去鬚鬚全未一根斑
朝迴兩袖香烟滿應有詩留雉扇閒

杜耒同紫芝游西山

幾番江上凭欄久今在西山裏行天
遣得隨三客後春來無此一朝晴
方穿藤蔓尋源去忽見烟霏趁步生
幽鳥向人作清嘆似應知我有詩成

同紫芝宿雙嶺

本作翠巖遊反成雙嶺留雲深山易晚雨過寺如秋
野水連青竹殘僧半白頭上方成共宿劇語到元幽

劉克莊永嘉曹君贈詩次韻一首

後村集

開卷沈吟首屢搔想提詩律比戎韜清於學士茶烹雪壯
似將軍弩射濤再茜三纒由染漬勺泉卷石可深高蝸廬
自笑無厄酒不得澆君道路勞

題永嘉黃仲炎文卷二首

書坊黃冊誘兒童朝取封侯夕拜公賈董奇材無地立歐
蘇精鑒與人同安知李廌麾門外不覺劉幾入穀中蚤晚
君王求極諫莫教豪傑泣途窮龍泉筆絕文章熄此作
居然可貴珍激處翻嫌董生緩新來却笑退之陳假令覆
紙無知者尙可藏山待後人外物區區均糞土祝君受此不貲身

劉徹遊太玉峯

蒙川集

一秋吟不盡才拙愧黃花極目皆城市論心有幾家
淡交期白髮清話及丹砂卻憶分攜處寒林集暮鴉

過柘溪得西字

晴雨春無定東風忽轉西地肥桑眼大天暖麥鬚齊
食頓尋幽所舟行畏惡溪野禽如遊客飛上半山啼

見趙東閣

大唐詩派遠今復有唐人慎吐冰霜句恐妨天地春
閑門惟嗜古養鶴亦甘貧未識孤高貌梅花想逼真

和薛仲止漁村襍詩十首

錄四

料理楚辭甘冷閨卜鄰惟喜近漁家昨宵雨過平湖闊
閒看菰蒲添幾花半生心力在吟編鍊得形如孟浩然水
屋數間城市隔客來無路只呼船酒欲醒時鄰已靜斗
橫月落尙聞燒炷香盃茗燈相照不枉人生又一宵甘
友漁樵懶做官靜占時事轉艱難近
來地氣如南瘴臘月梅花不識寒

林景熙酬汪鎮卿四首

白石樵唱

百感湊孤夜江樓起呼月秋蟲聲轉悲念此衆芳歇人生
非金石青鬢忽已雪踰淮橋心移出山泉性汨荷蘭抱孤

芳不受宿莽沒淪惡易如墮進善難如登危哉方寸地
風雨吹冥冥尺水增丈波鰕鱉亦爲鯨海桑空變易天地
終清靈感此坐中夕疎林動秋聲垂垂大厦顛一木支
無力精衛悲滄溟銅駝化荆棘英風傲几礎濱死猶鐵脊
血染沙場秋寒日亦爲碧惟留吟嘯編千載先奕奕權
臣坐偃月棄官如飄蓬及此顛沛秋翻然挺孤忠一死未
得所網羅挂飛鴻渡淮已不食蛻稿
夷齊風何人續遷史表爲節義雄

鹿城晚眺

古城仙鹿遠百感赴斜曛海氣千年聚山形九斗分
神鴉饑啄蘚宰木蠹藏雲何處鳴鉦發春屯又易軍

葉茵酒邊次趙東閣韻

吟稟順適堂

竹褪粉痕新銷磨九十春中年真率性上古太平人
有夢詩將聖無愁酒不神靜看紅紫路翻覆幾回塵

酒邊次徐靈淵韻

柳外綠陰重綠陰生遠風溫涼三月後醉醒百年中
柔禿吳蠶熟林幽蜀鳥空不祈朝市夢高卧太湖東

王琮客裏有懷徐太古

雅林小稟

近來真倦客怕蹋軟塵紅獨向一樓坐靜觀諸境空
官河添夜雨官樹帶秋風還憶能吟者襟期何日同

次韻徐獻可兼別重巽

誰憐范叔戀袍寒猶有徐卿二子看大率率中多物忤相
知知到此心難最憐風雪分吟筆安得江山共倚欄後夜
小窗懷素帖挑燈應憶我同觀

獻可約遊北山阻雨

共約湖邊喚短篷曉來何事雨兼風
山林只合閒人到不入時官眼界中

施樞送東浦張應發歸永嘉

芸隱橫舟集

客裏偶相逢襟懷亦偶同對梅吟夜月折柳問春風
子勿言浮梗余方笑轉蓬歸程經鴈蕩得句附郵筒

張弋高郵送紫芝

秋江烟草

重逢又重別把盞更凄然明日帆開岸平湖水接天
好詩應自作狂夢與誰圓我欲來相趁揚州且住船
豫章別紫芝

吟苦事俱廢拙深貧未除年來如旅鴈秋至卽移居
古道行黃葉空囊貯素書一生江海恨惟子最知余

徐集孫趙紫芝墓

吟竹所

晚唐吟派續於誰一派纔昌復已而對月難招青冢魄見
梅如挹紫芝眉四鑑人物嗟寥落千古風騷憶俊奇公去
遙遙誰可法少陵終始是吾師

真山民永嘉秋夕

山民集

風戰枯桐敲紙窗擁裘無寐夜偏長護樓三鼓夜將半雲
鴈數聲天正霜寓世此身驚逆旅寬懷何處不吾鄉江頭
風景日堪醉酒美蟹肥橙橘香

元

永嘉縣志

卷三十三

三

王義山書永嘉嘉禾驛

類象村

老來倦躋攀悠悠憩山側層嵐軟穹霓紫紆困行客崖傾
覺險巖徑曲盤險迫石老枕雲根橋橫界野色海嶠喬暝
暉松標挂辰極殘烟罩成幄長波曳如帛天際鳥知還溪
澗魚自適幾忘物無我慮潛意常寂返觀穹壤間天亦局
於迹榮華忽彫枯俛仰遽今昔傾義倏再
旦急軌等寄驛愚公果何爲老且欲移石

尹廷高江心寺

玉井
樵唱

潮落潮生卒未休依然雙嶼鎮中流斗杓橫截江城北殿
脚長隨雪浪浮龍起太虛雲護塔僧歸薄暮月隨舟翠華
夢斷釣天遠翰
墨空軒竹樹秋

永嘉書所見

此邦幸小稔竊祿似有緣出門見流民令我心惻然十
復五五乞食相後先有男方呱呱中道甘棄捐誰無父母
身其勢難兩全況遭疫癘苦十病無一痊死者相枕藉活
者難久延彼哉萬錢著所厭皆肥鮮餓骨半王孫汝食能

下咽嗟嗟吾赤子斯食寄之
天似聞齊魯郊斗粟價十千

曹可實挽徐肖梅

聲名纔大不教閒二十年來出處難
驛使漫將春信至梅花不耐朔風寒

黃潛永嘉王君自製挽歌詞蓋能安死生而未忘情乎死

生者也集淵明句以釋之

日損齋稿

自古皆有沒我今始知之居常待其盡逝將不復疑人生
無根帶去來何依依既來孰不去奄去靡歸期復得返自
然人閒良可辭何事空立言念此懷懷悲日醉
或能忘一觴聊可揮且極今朝樂千載非所知

許謙中川龍翔興慶寺

白雲先生集

孤嶼浮中川晝夜汨潮汐何年地維裂中斷洲渚失兩峯
峙東西蔽影互朝夕浮屠據稜層梵宇絢金碧飛龍迫風
雷曾此一憩息昔時桂桓居今作大士室了師擇靈地爲
假蛟鼉窟聚沙合舊港連亘如片石山扉夜無闕神物便

入出亂流攜故老一一訪陳迹軒亭倚葭葦
濤浪倚几席豫章號淒風篠簜翳寒日憑高慨
今古天海相蕩激景在人易非悠悠意何極

送方存雅遊永嘉

思遠樓前會昌湖花開十里紅芙蓉香消色盡
水痕落秋氣瀑英涵冰壺巨鰲戴山兩岐出中
江屹立雙浮屠潮聲來往撞晝夜惴惴不敢鳴
鐘魚鴈峯南北插雲漢千尺亂削青珊瑚靈巖
怪壑山鬼秘木屐齒敝終迷途先生臥遊亦已
久目擊自勝遙披圖芹宮博士舊膠漆待瓜未
熟行與俱絕絃掛劍歲月改春風夢遠意境孤
竭來清興復未罷束書負笈爰載驅永嘉與學
有祖述伊洛餘澤猶沾濡水心百年仰文獻止
齋一世稱範模詞章問學各有得耿耿輩出今
豈無搜羅人物覽世槩收拾佳趣歸奚奴平生
遠游有志願局束不得爲君徒待君相載珠玉
富敬誦想像聊爲娛

自飛霞觀登積穀山

磨崖自古翳苔痕敗葉垂蘿徑可捫靈運詩存池尚草劉
郎仙去洞無門潮來江闊山風急日落雲橫海氣昏欲望
城中登絕頂
口觸目不堪論

自江心回復遊西山

才返中川一棹雲西巖無負此良辰紫芝峯下長松晚綠
野橋邊流水春竹杖持身行樂客桃花映臉醉歸人道傍
孝子何年墓宿
草蕭蕭暗暮塵

西山萬象亭

亂峯盡處接浮雲東望悠悠萬事陳百里江流紫綰帶滿
城居室比魚鱗野僧倚竹嘯留客山鳥穿林啼喚人落日
亭中一杯酒何
年復此對晴春

成廷珪次曹新民感時傷事韻三首

居竹軒集

歲晚霜風裂弊裘劍歌談塵一生休牽蘿不補山中屋挂
席將歸海上洲月夜拂弦彈白雪春朝攜酒看丹邱風流

永嘉縣志

卷三十三

三

誰似曹公子華髮不知人世愁
北僧老作江南客撫卷
令人百感生天下紛紛何日定
胷中磊磊有時平滄江日
映旌旗影紫塞風悲鼓角聲
今日封侯總年少老來豪氣
漫呼喚客來爲說淮南事
白骨如山草不生翻覆幾回
雲雨手登臨無限古今情
長街竟日人烟絕小市
通宵鬼火明欲省先塋歸
未得懸河老淚苦爲傾

李畦發鹿城

草閣集

江上潮初落好風吹客船
孤城辭白鹿小縣入青田
山氣晴疑雨灘聲斷復連
沙鷗休笑我詩思正相牽

送永嘉葛令歸燕

人人盡說丹砂令三載容成德化寬
但識絃歌能變俗豈
因松菊便辭官扁舟落日孤城遠
二月黃河春水寒從此
去天纔尺五故鄉風物是長安

李轅題葉叔亭南溪耕隱

筠谷集

隱居求志隨所樂不在漁樵卽耕鑿
耕鑿誰論生意餘漁
樵不計生意薄古人隱名遠隱身紛
華盛麗如浮塵尊居

萬乘不可屈子陵當年耕富春今人名隱身不隱與世驅
馳日矛盾遂合餘子皆沽名莘野疇能繼伊尹花溪忽見
耕隱翁豁我磊落之今宵韜光屏迹能謝俗但與漁父心
相同日長耕罷田頭坐正值杏花吹雨過遠村綠樹斑鳩
鳴近岸青莎黑犢臥火耕水耨工不虧採青燒土呼羣兒
兒來不惰翁乃喜坐見禾黍秋離離耕隱翁知勤稼穡由
來種田兼種德種田必期倉廩豐種德須當子孫獲偉哉
公之上世葉水心文章道德允於今耳孫奕葉繼前美
脫富貴歸山林我今趣裝趨上國回首田園
有愧色安得同耕五畝閒驅馬高車復何益

丁復送清涼寺友上人歸永嘉

檜亭集

江心舊作野客宿石頭今逢開士歸半夜落潮隨櫂發十
年殘夢逐雲飛相看接手話鄉里獨老忍淚霑裳衣新春
亦有還家願會過石室推烟扉

次韻具菴送湛淵上人永嘉省師

早年爲客曾遊處今日題詩却送僧珠箔瀟湘看雪瀑寶
窗緣塢見天燈金仙爛漫開銀界玉女嬋娟倚翠層禮罷

何師窮勝討諸
峯歷歷漸攀登

鄭昂舟至南塘

密菴集

纔過南塘驛湖光便可憐漁翁低撒網溪女笑撐船
仙館孤蓬頂譙樓五里前兼旬不相見稚子定忻然

次復齋登華蓋山

野老憂時淚不乾海天低燕麥風寒秦關土蝕銅牙弩漢
殿月明金井闌共喜寇恂重借頻自慚李愿未歸盤江山
如畫人如玉破帽空悲管幼安

袁桷以琴弦寄永嘉周子敬

清容集

五色鸞膠世莫傳春雷迸石響流泉
永嘉七十四居士元鶴來時就榻眠

薩都刺送丁太初赴永嘉學正十八韻

雁門集

國學崇儒代人材絕妙年風雲千里駿日月九重天翰苑
司掄選中書屬次銓光榮毛義檄奮發祖生鞭學廣儒官

制書傳弟子員宦情依冷掾官舍擁寒氈筮仕無踰此如
君更領然永嘉今永郡多藝風多賢咨訪兼留意英髦孰
接肩舊家疑寂寞遺業想流傳會看聲華盛應知德業全
高情何特達滕目共周旋春著花開屐秋乘柳下船篇章
微點染山水自清妍薦豆登霜柚充厨載海鮮洞簫吹月
下玉樹立風前已作魚龍變何嫌雨露偏尋公爭薦達試
目看騰鸞

楊維禎簫杖歌

原注爲永嘉璣天則道人賦鐵崖集

空心勁草琅玕節瘦如筆枝赤如鐵壺公手中曾擲之黃
公石上飛星裂璣天道人雙眼青見之不減九節藤神丁
未闕混沌竅中有萬壑銅龍聲道人親鑿崆峒玉九漏玲
瓏尺度足黑龍飛來膝上橫道人手中嘯鸞鵠自言奇音
不敢作寒星墮地風折岳去年臺山解虎鬬今年狼山敲
豸角鐵崖相見洞庭東腰閒遂佩蒼精龍湘江雨脚吹雌
風相呼道人木上座
杖咬水拔鬚眉峯

送錢思復之永嘉山長

湖頭送客綵舟移青雀飛來花滿枝進士舊傳羅剎賦佳人新唱竹枝詞黃桐錦樹秋風早青輿紅雲海日遲思遠樓前約相見西山烟雨畫新眉

柯九思題王孤雲界畫山水圖

丹邱集

滿地山河如繡迴巖樓閣凌風幾度春花秋雨不知秦苑吳宮

李思衍天慶宮

兩山集

紫蓋星臨北斗躔金門客去幾千年蒙泉有味見福地劫火離灰是洞天塵外仙家山上屋日邊帆影海東船飄飄雲氣蓬萊近五彩飛鸞不用鞭

潘伯脩癸巳冬至李君時可同客柔川追感永嘉舊遊以

詩爲贈當己丑歲會永嘉時十月桃花盛開氣如春半識

者憂其不祥旣而果然就用前韻因并及之

江槩集

江城十月桃花發小至看花半已殘香點客衣驚歲晏醉
燒官燭坐更闌鬢毛在萼風霜急雲物蕭條海水寒猶有
黑貂能當酒老
來分手向君難

顧瑛次韻永嘉曹新民玉山席上作

玉山璞橐

詩人得句題茅屋客子乘流泛小舫老眼看花起春霧醉
眠聽雨響秋濤弓盤舞按銀鵝隊水調聲傳金鳳槽與爾
共傾千日酒呼
童換却五雲袍

盧昭送鄭元永歸永嘉觀父

中宵清夢落東甌不爲青山一日留花過辛夷歸別墅風
含杜若下春洲深懷置膝憐文度每愛將軍從太邱釀酒
高堂眞樂在江
湖深爲謝盟鷗

袁華賦得館娃宮送陳庶子武崗城步巡檢

驅車閭闔門息駕靈巖下靈巖信清麗維茲館娃所遲子
停宵征於焉同覽古夫差昔好奢築宮置歌舞璇題逼層

霄丹碧曜平楚藻幄曳華幔妬寵爭媚嫵采香朝橫舟響
屨暮清暑代謝人事遷商殿動禾黍緬懷渚宮勝亦復一
邱土不作楚囚
悲將軍本雄武

錢惟善江心寺分韻得風字送陳輔賢之温州教授
江月松風集

永嘉美山水物色分禪宮斷流湧金碧倒景驚魚龍兩峯
橫翠黛雙塔卧彩虹齋鼓答寒汐漁歌生晚風蕭然地形
勝迴覺塵囂空維昔有帝子駐蹕鯨濤中至今小金焦突
兀摩蒼穹陳君富春彥五歲稱神童三年為博士豈徒事
雕蟲江心隔千
里客星渺孤篷

魯時中題陳元暉屏山卷

好山高列翠芙蓉疑是匡廬第幾峯
中有幽人讀周易柴門常倩白雲封

陳高自明回溫留寓郡城述懷有作
不繫舟漁集

西風落葉送清秋力疾憑欄寄遠愁政慕陶潛歸栗里翻
為王粲客荊州山峯近郭東西起江水通潮日夜流景物

年年只依舊獨
憐白髮鬢邊稠

寓鹿城東山下

大隱從來居市城幽樓借得草堂清
鳥啼花雨疎疎落鹿臥巖雲細細生
石眼汲泉煎翠茗竹根鋤土種黃精
艱危隨處安生理何必青門學邵平

客南塘作四首

亂離作客最閒關目送歸鴻老淚潸
咫尺家鄉成異域朝昏烽火映前山
學仙無路遊三島避地何時到百蠻
獨立風前梳短髮懶將明鏡照衰顏
春來日日起西風吹送浮雲過海東
花落名園荒草滿燕歸華屋故巢空
陶潛解印閒居久王粲登樓作賦工
舊日交遊多白首時時相見慰途窮
雨霽南塘春水多日光浮動綠生波
風前無數蜻蜒舞柳底成羣白鷺過
垂釣老翁真可畫盪舟女子最能歌
眼看景物渾依舊飄泊風塵奈老何
江頭無計問歸舟抱病羈棲古寺幽
風雨鶯花成寂寞千戈詩酒廢賡酬
衰年白日愁邊度故國青山夢裏遊
見說王師向淮甸

早須傳檄
定南州

李孝光江寺贈唐博士集五峯

銀浪舞輕航天風赴石塘六鼇扶地勢萬象發天光
樹湧中流碧蓮生隔浦香潭龍莫深臥一雨九州涼

明

劉基在永嘉作公集劉文成

高屋集飛雨蕭條生早寒我來復幾時明月缺已團浮雲
蔽青天山川杳漫漫狐狸嘯悲風鯨鯢噴重瀾孤雁號南
飛音聲渙以酸顧瞻望桑梓慷慨起長歎願欲凌風翔惜
哉無羽翰中夜百感生展轉不遑安枯荷響西池槁葉鳴
林端寥寥天宇空冉冉時節關舉俗愛文身誰識章甫
冠河流未到海平陸皆驚湍旗幟滿山澤嗚呼行路難
袁凱送曹新民歸東州集海叟

十年西浙曳長裾千里東歸指舊廬原上鵲鴿終有託旅
中羈博近何如朝廷未擬申公使弟子猶傳伏勝書江草

江花總無限爲君今日重嗟吁

高啟答余新鄭

青耶集按余堯臣官新鄭丞

前年吳門初解兵君別故國當西行有司臨門暮驅發道
路風雨啼孩嬰倉皇不敢送出郭執手暫立懷憂驚我時
雖幸脫鋒鏑亂後生事無堪營移家江上託地主闕園借
得親鋤耕春朝起沐日照星野卉襍發鳴鸛鷄思君萬里
不可見對此涕淚如盆傾有壺當軒忍自酌有句在卷邀
誰評走役北郭問消息一客爲我言分明君初隨例詣闕
下有旨謫徒鍾離城齎無囊金從無僕棄家獨去何惇俾
長淮黏天趣前渡牙眼怖客浮鼉鯨到州鞠躬謁太守脫
去官籍儕編氓城荒無屋寓來客旋乞廢地誅蓬荆異鄉
何人恤同患喜有楊子兼徐卿日高破竈烟未起閉戶不
絕哦詩聲去年聖恩念逐客特賜杖拭加朝纓敕君赴汴
聽銓擢路算舊驛猶千程沙河無雨夏雲熱茅葦隔岸多
蚊蠅舟中感癘得下泄刃攪腸腹聞呬嚙荒途無藥相救
療伏枕兩旬幾殞生終藉神明佑吉士疾勢漸脫身強輕
一官署作新鄭簿捧檄已去詢田更我雖歷歷聽客語虛
實未察憂難平初春天子下明詔欲纂前史羅儒英非才

亦辱使者召辭謝不得來南京日斜出局訪君舍草滿陋巷春泥晴入門小女識父友延拜學訴艱難情且云父意念家遠新遣兩卒來相迎須臾出君寄我札上有秀句如瑰瓊自陳前事頗一一與客舊說無虧盈讀終呼卒問彼士卒言幾年經戰爭河山蕭條縣雖小民少奸詐多滄誠春秋古稱鄒子國漆洧水活魴魚賴雌兔咻咻草閒走雄雉角角桑顛鳴谷深稀逢種田者時有射戶棲山棚霜天赤棗收幾困剝食可比江南杭官來撫民務無事鞭掛壁上無敲撈寒廳吏散獨坐嘯遠對嵩少當簷楹聞之離抱頓舒豁如吸清露醒朝醒便因卒還寄君語此邑小鮮聊試烹幸逢昌朝勿自棄願更努力修嘉名吾皇親手擁高簞洒掃六合氛塵清海中夷筐已入貢隴外戶版初來呈大開明堂議禮樂學士濟濟登蓬瀛太廟冬烝薦朱瑟千畝春籍垂青絃用材不肯略疎賤銖寸盡上天官衡况君磊落抱奇器不異一鶚秋空橫豈容久屈簿領下天道始塞終當亨文章期君歸黼黻借問報政何時成

菜蒞爲余唐卿賦

堯臣字

杜桐里中君始歸菜花滿園黃蜂飛桔槔倚樹長不用江南雨多山土肥方畦獨遶看新綠晚食何須尙思肉翠縷

登盤春薤香金釵出盎冬菹熟我家亦在萼拔鄉秋
風便應歸共嘗潮州司馬成何事回首空愁足萬年

夢余唐卿

路隔成臯萬里關何由得見故人還
燈前夢裏思思見猿叫楓林月在山

季德璣送潘檢討致仕授本郡學教授潘檢討名璣

鶴髮詞臣出禁林九重沐聖恩深校書天祿成塵夢振
鐸鄉邦稱老心萼菜秋風一壺酒杏花春雨半牀琴從今
晚翠軒東月夜
夜清光伴醉吟

王直謝庭循自畫秋景初菴集

洞庭八月秋風早楊柳蒹葭漸應老柳下茅堂遠市廛寂
寞閒門對幽島居人無事不出門林深地僻如荒村門前
道上車馬絕過雨蒼茫空蘚痕江清水落沙石出水底渾
疑見鮫室鷺鷥鴻鵠皆有情噤喋喧呼亂晴日我家故業
連滄洲贛水文溪遠舍流圖中景物渾相似見之令我增
離憂君今善畫得供御下筆縱橫有神助何時爲掃雲瀛

圖一葉凌
波向南去

應宗祥見黃淮少保三首

盛世天所助生此王佐才道德著明效國本益以培四海
永寧謐豈日資涓埃向來諸國老論功乃其魁從容萬幾
暇師保日講陪宇宙百年內禮樂何盛哉台鴈本鄰壤草
木同昭回開風起歎慕誰甘臥蒿萊天道有常運成功
詎無已誰能參化機履盛貴知止筮仕得明君千載同魚
水擎天力已任取日功可擬道德重師保恩榮兼父子眷
委日方隆引年何遽爾介石有明訓動息存至理東南釣
遊地清風播蘭芷空山有畸人家世業詩書齒髮日益
衰所得僅緒餘好古不自量臨文每嗟吁漢唐日以降作
者稱歐蘇名公閼世英壯歲遊石渠吐論補殘經飾轅戒
虛車饒夫過屠門大嚼意方
奇斯言可以喻我行勿次且

徐賁萊邁爲余唐卿左司賦

北郭集

遠辭華蓋居來卜山陰宅乍到俗未諳久住地旋闢屋廬
尙朴純楹桷謝雕飾高管踞山跼深甃逗泉脉簷將狼尾

苦門用鼠筭織缺垣惟補蘿圮砌總蒙薦編籬限邇鄰樹
 枿表殊場本米是野性豈是耽地僻學圃欲擬樊爲功敢
 侔稷盍惜勞外形自甘食餘力耕鋤限兒課灌漑當僕役
 破塊何啁啁陳器亦畧畧駕許俗士回展向鄰翁借筐筥
 織湘材鋏鍤鑄棠液卓鑲鷹觜利負簑蝟毛磔俯仰疲枯
 俾沾洒漬潑襖循畦行策繞偃林臥欹石鐮披欲芟耶刈
 削竟驅礫值阜卽爲坡遇凹就成池堤崩防密葭竇隙拒
 亂棘地同農畝計區學井田畫長畛縱復橫曲渠廣還窄
 接流引餘清疎沼匯深碧架桁秋實垂籬落夏蔓霽雨露
 加膏腴糞土發磽瘠識種題裏藏辨類分行植蒔法常按
 諧候時卽看厖蕨芽拳握紫薑擘拇駢赤兩合憐薊華叢
 生愛銚芑初筭迸蟄雷新臺長春蕙雀弁茺葉峨馬帚芥
 莖直黃繁微腴綿瓠老枯瓣折芍苗卷龍鬚藥幹擁牛膝
 黃獨雪晴收紫萁露晞摘陰階茂蔗茺下田豐菲苳捲輪
 木耳垂攢刺菱角射秋茄采更稀夜韭剪仍殖芝芳凝海
 瓊茭鬱點池墨枸杞香可醪竹菇熟堪腊石皮被柔薄土
 酥膾肥蒟細蕁入饌鱸鮮萋襍羹鮓茶苦藥與雋菰脆冰
 爲敵菌櫨西蜀致苜蓿大宛得長榮苻帶流亂簇陳絲繹
 芹效野人獻瓜爲天子副決明纔一方蒿苣連數席瑤糜
 慰渴心玉延起羸疾草毒笑非喜芥辛泣詎戚盤根芋埋

壤脫穎筍穿壁擷香憐雞蘇折甘嗜燕麥栗腐切方圭乳
餅斲圓壁孕子櫻受刻贅聃石被馘兔月淘夏槐鹿角茸
臘炙菁託諸葛呼巢以元修斤覓褒蔡守清薇怨周節逆
邪蒿義所攘穢萎理堪啞薄利嘉拔葵省謗惡遺意窮餐
蟠酸黃儉啖菲留白閑情付田園生意仰膏澤莢齊翠疑
剪甲坼緣訝擘掩冉烟際姿惹蒨雨餘色始掇惜滓染載
滌畏蟲螫新薦或在鑊薄湘亦須鬲求久漸投離致爽遽
沃醪不煩僚友送敬向先聖釋對屠誇大嚼燕客忻小摘
杵羞不過三甕菹當飲百未能著蔬經安敢踰食籍旨蓄
足山廚素供過香積用茲卒歲年庶得勤朝夕賓魏徐見
厭厄陳顏自憚潔畚士恥汚造橋盜懷恤抱甕忿設機授
書謂求益縱馬因致憂吞蛭遂亡謫萬錢柳復乞片金華
還擲仕知呂姪妄居味鄭人識枕肱仲尼樂傷指范宣阮
鼎騰固云嘉食簞亦足適敷淡分所安堪味欲易極母因
口體累遂使愆民德

虞原璩同黃少保遊江心寺題毘盧閣

環菴集

舊句新梁命我題千年寶閣與雲齊七閭傑木浮杯至九
斗諸山入坐低掉塵魚龍時出沒倚闌烏兔自東西詩成

柳筆渡江去何
異飛鴻踏雪泥

次黃少保花僉事題和靖吟詩圖韻

原注花公
名潤生

西湖老人癯欲仙
隱几賦詩清不眠
山童坐久鶴夢覺
吟到梅花第幾聯

章綸送姪壻潘廷易歸永嘉

困志集

蔦蘿松柏舊相依
訪我迢迢上帝畿
爲客初瞻紅日近
思親又望白雲飛
一樽酒盡難分袂
千里風飄苦拂衣
感子意長離別後
此心遙逐雁南歸

林壁永嘉王氏月梅圖

窗前夜夜明月來
幽人步月吟徘徊
歲寒月色愈堪賞
豈非添得梅花開
梅花瑩若冰玉潔
月有梅花更幽絕
乾坤清氣良在茲
意領神融卽詩訣
花月惱人不得眠
自知身是詩中仙
尋常咳唾成珠玉
妙與花月同清圓
莫遣梅花墜香雪
莫使冰輪有圓缺
畱與吹笙鶴背人
長向花前弄明月

鮑恩東山草堂爲趙東山作

孤館蕭然近翠微
春風吹綠映階墀
謝安起去門將合
姪旦歸來路不知
月出露華沾屐處
日高烟色入簾時
北窗臥覺詩情好
吟對薔薇有所思

謝鐸渡歐江

淨桃谿棹

酒盡雙門鼓亂揭
滿船秋思闊無涯
敢從平世思浮海
且向空江學泛槎
蜃氣遠吞青嶂日
嵐光高映赤城霞
望中咫尺桃溪路
三徑分明是我家

謁文信國祠次公韻

萬里孤臣命若絲
支離身世豈勝悲
眼中無地可立腳
頭上有天堪戴誰
終古綱常今尙在
百年運會定何期
繼周別有中興頌
不用磨崖更立碑

李東陽永嘉芙蓉書院詩

芙蓉自是秋江花含風浥露蒸紅霞誰教五月吐奇秀不
道人間有歲華永嘉郡中花滿院開元寺裏尋常見勝事
猶傳乙卯年清標已作冰霜面鹿鳴有宴奇嘉賓鴈塔題
名及早春共言此瑞不虛應果有人傑占花神玉堂天路
時來往碧桃紅杏誰爭長出水應憐太白詩凌空忽下仙
人掌兩京官舍無花開十年心想真悠哉憑將錦繡江山
色傳與丹青畫手來

李傑題謝廷循山水

峰高遲出日山氣曉氤氲葉潤林藏霧崖分谷吐雲
客衣晴亦濕瀑響遠逾聞茅屋依深樾迷虛羨隱君

文林永嘉縣齋寫懷

文溫州集

墨綬垂青絲銅符寵郎秩駕言謝朝行出領滄海邑脈脈
辭親知依依去鄉國洵行僅千里已在東南僻地遠煩刑
誅年貧正艱食自顧書生思疇堪付休戚流移已懷慚征
歛况余職平生跌宕懷雅志山水適及此東嘉遊清真信
靈域豈無康樂情坐有民社責歛板事承
迎鈎稽困文籍拂意不能歸自媿陶彭澤

鮑瑋江心寺山亭

摩空雙塔峙中流江上維舟紀昔遊
兩岸鐘聲潮未落滿樓山色雨初收
探元老鶴長年在無事閒鷗盡日游不
欲凭欄傷往事夕陽芳草徧汀洲

周敘永嘉周孝子歌

疾風吹沙滄海翻魚龍鼎沸烟塵昏
羣雄竊據宇內裂橫行殺戮相并吞
吳山之東越江曲賊勢猖狂肆殘毒
平原千里烟火稀豺虎縱橫繞空谷
周家父子航文儒流離奔竄無安居
一朝邂逅入俘虜倉皇望顧千金軀
而翁視子心猶苦况是高堂惟大母
子欲捐身贖父還願得承顏慰延佇
強賊憑陵恣忍心縛之竟墮王網靡
白日無光泣神鬼辱率衣隨父行俱
沈彝倫泯墜王綱靡白日無光泣神
鬼長遣當年雙旅魂遺恨今猶結淵
水真人御宇誅強兇萬方盡入甄陶
中史官采錄筆懿行令名耿耿垂無
窮由來父子有恩愛天理人心豈曾
昧拙毫試寫孝子篇千載兇渠膽應
碎

朱諫芳洲爲永嘉袁宗喬作

蕩南集

芳洲之樹何青青李白詩句令人驚今日芳洲落何處城
南十里袁先生薤蕪香散春風暖柳葉初抽翠眉短乳燕
鳴鳩午氣深石欄不覺花陰轉飯犢朝來引農父杏
花雨過開新土學取義皇世上人多種秫田三百畝

寓江心寺

孤嶼清秋夜星河萬里槎江山如有約雲水暫爲家
白髮隨鷗鳥輕舟采石華秋風動歸思漸瀝響蕭蕭

王朝佐送姚恒睦還永嘉

蛟川集

此地一爲別鄉關千里情雲歸春樹暝月出大江平
從事逢賢尹成功正後生送君殊草草我亦話南行

姜立綱送楊鍊師還永嘉

早年寄跡上清家近拜仙官荷寵嘉帶得一天新雨露還
棲半壁舊烟霞羽衣不受遊塵浣客鬢益知晚歲華卻喜
蓬萊今已到何須海外更乘槎

李顯送陳工部

名定之

令弟南還

臺南集

鳳山不可作千里嘗夢思見此白眉郎傾蓋如故知青華
富文彩儒雅真吾師龍駒產渥水寶樹繁春枝恩恩復南
還遠道傷別離聯鑣出香陌遙指江之湄江流
去渺渺落日孤帆遲臨行惜分袂相望天一涯

侯一元書扇贈王少華

二谷山人集

古人有遺言惟白可受采齊杭變蟬雀昭質復安在願持
君子心如月初離海太空無纖翳涓白終不改四海揚仁
風蒼生
良有待

夜渡歐江

暝色度歸櫓長風動沈寥漸藏江湖月正落海門潮
委運同飄瓦全生學緯蕭江湖易成夢頓欲謝清朝

郭公山擬成小築次鹿山韻

城下江流城上山郭公遺跡寄人間
屋居妙有蓬瀛在勝地天容我輩閒
楊靜每隨僧共定雲來不礙戶長關
衰慵

了自無奇字亭
下從教載酒還

春暉樓用韻酬黃南華

江山有待一官休
阜帽依遲任白頭
草色總深元亮宅
月光先到庾公樓
林鳥傍母當筵起
花萼迎暉入戶流
爲有故人傳郢曲
坐中長得白雲留

南塘樓居書懷

晏宅宜近市
陶廬在人境
愧乏二賢操
郊居始能靜
伴老有殘書
扶衰資藥鼎
偃仰一區足
蕭條百慮屏
臥聞鼓柝聲
起視川流影
星河臨欲曙
殘月起東嶺
萬物何芸芸
於余有深省

侯一馨和家兄南塘樓居書懷

列朝詩集

人意各有適
自得貴不違
潛虬本淵媚
冥鴻入雲飛
自是愛芳草
非關薄紫微
南塘山水清
可以築釣磯
曠野一登樓
青村四作圍
出郊甘離索
高齋保元虛
日夜起棹歌
處處見樵漁
野老多農語
東鄰聞讀書
避地翻近人
臨潭非

羨魚當知陶晏
意奚必屨市居

李經敕送黃江東歸鹿城

綵服動歸思青陽催歲華
兩年同作客千里各還家
醉憶山堂夢遊憐野寺花
離杯征袖濕不是聽琵琶

張嘉庠寄題永嘉王陽德陽湖精舍

岵嶽山房集

招隱豈在深智者秉微尚
伊人臥陽湖幽襟謝塵鞅
丹霞遞崇椒南北兩鴈蕩
萬象厲景光淩緬非一狀
鴟夷任所就何時逝將荆川放

牟嘉敘遊江心寺登康樂亭

霞溪漫藁

輕舸截奔浪水國散微陰
泓洄眺孤嶼寶塔淩雙岑
茲遊夙有期始得遂幽尋
淵室接梵語花臺遶龍吟
滉漾元氣中
日華映珠林
謝公有遺跡
孤亭俯江溥
曠懷寄元賞
海嶠振徽音
清芬詎可挹
高情傾古今
西堂夢不返
池草春自深

王世貞挽張太僕有功人藁

弁州山

再厭承明簪未著
翻離濁世有張郎
生前無地容他住
一死翻傳俠骨香

寄王大參陽德時公初歸永嘉以黃柑見貽

但作歸人事事堪
永嘉名勝擅東南
吹笙雅稱王喬嶺
著屐偏宜謝監巖
客至風前饒白苧
書來霜後有黃柑
祇愁行樂燕京妬
不似山中謗一函

題畫壽王大參七十

永嘉城外小緱山
明月長容笙鶴閒
總爲陽湖泉石好
未教王子厭人閒

和肖甫司馬題陽德大參東園五言絕句十首

錄三

白雲滌作團回風吹不散
截置一鉢中與作山僧飯
團雲徑水是右軍池
人是右軍裔白麻昨夜乾
黃庭揚來未忽轉天地開
錦繡匡山谷通華徑

孔天胤夏夜永嘉館

文谷集

下馬送春色端居延夏陰流光坐自歎日暮不成吟
客路連滄海歸心滿舊林沈憂何所似波湧大江深

林彥贈趙東山用朱蕩南韻

拙齋集

憶醉山翁綠野堂年來梧柳已成行江雲渺渺人千里天
地茫茫酒一觴龍臥每憐諸葛老鳳歌誰識接輿狂可人
昨夜窗前月猶趁梅花入夢香

李光春江心寺

長江倒瀉自天河撮土時興萬里波寶殿當空雙塔峙玉
樓高聳六龍過潮聲吼動風雲會山色橫拋日月梭朱室
孤臣千載恨清輝猶染御毫多

何白姜艮峰先生竹梧書院歌

汲古堂集

華蓋峰前舊書屋繞屋高梧映深竹編摩上下數千年圖
籍縱橫三萬牘金石琳琅差甲乙月露風雲費標目象胥

稗史每連牀海志山經動兼軸裝潢未覺萬穀盡繕寫已
看千兔禿先生兀傲盤其間澆澆古今筭爲腹梧坪月轉
寤以歌竹塢風生行且讀水面魚來杏粥香亭臯鶴去茶
烟綠興至臨池自揮灑益益松煤漲洮玉古隸遠法師宜
官小篆近傳韓擇木後覩扶石勢騰擲龜鼈飲江形瑟縮
一區故自足千秋未解人間有翻覆君不見平泉與金谷
不貲緣細貯琴筑綺羅花石委荆榛夕照荒烟下樵牧又
不見李渤書堂留白鹿青蓮亦在山之曲君廬笑兀共歸
然一笑浮榮如轉燭伊余汲古乏修綆俛仰遺風企前躅
我所思兮意不忘彼有人兮鄰可卜相期問字過元亭稍
待山熟酒初熟

和王昭文夢仙歌贈劉衛卿衛卿通古篆印章

子晉軋雲吹玉笙天風忽送昇天行似聞昨者放仙子偷
是當時徐佐卿我愛劉郎有靈氣曾經分治芙蓉城偶然
調笑迂上帝騎鶴飄飄辭玉京雖向人間稱放逐尙賜黃
山作湯沐芝田朮畛浴丹池坐領仙源三十六琅函一編
太上書變化華乳皆蟲魚誤逐浮名向塵土素心遂與雲
霞疎赤日黃埃苦饑渴復向東來飲溟渤太玉樓頭一遇

君醉上華峰
擘明月黃山
中人欲歸石
洞龍章半漫
滅歸君髮兮
濯君纓一歆
溫泉蛻塵骨

陳明府招泛陽湖

秋色南湖惱
令君扁舟狎
長白鷗羣千
峰青送蕭蕭
月四野寒飛
莽莽雲客有
蘇門倚鳳嘯
劍從延浦合
龍文無論象
緯關今古此
夕風期未易
聞

孫臨東甌曉發

際曉連檣挂
席同不煩邪
許喚篙工沙
頭宿鳥飛逾
白霧裏殘燈
颭不紅半嶺
霞殘茅店雨
一江潮響石
門風閒雲片片藏孤峽不鎖寒流日向東

林增志遊中川東席覺海司李

咫尺游洞向
碧空上方樓
閣水雲中草
荒古廟憐文
相苔蝕殘碑
憶謝公兩岸
潮聲僧舍冷
半江帆影夕
陽紅凭欄莫
道蕭條甚近
有神居攝海
東

邢昉贈永嘉吳葵衷明府

石臼集案吳彥匡號葵衷

君不見永嘉吳公年近八十眉覆面一生讀書逾萬卷三
十年前綰一綬驂駢蹤踐龍南縣龍南作令瀕江濱彭澤
罷官歲歲貧家在歐東如栗里門前五柳搖芳津謝公池
上柳堪把香草鳴禽遍江野著書愛纂神農經不學蠹魚
註爾雅吹臺雲起天冥冥月下還聞子晉
笙看君骨節輕如羽曾逐盧敖海上行

登江心寺澄鮮閣

危閣此中洲蕭條極浦秋潮爭西日去江逐斷山流
莽莽碧雲合娟娟綠篠幽謝公臨眺處暝色使人愁

謝公亭

謝公山海客千載一荒亭只此片雲白長含孤暝青
中川想前躅斷碣儼遺形晉宋風流盡秋聲對夕汀

吳經國過劉長孫齋頭對月

逸度翩翩命世雄投簪偃息謝池東醉疑月色半林雪靜
聽松濤一枕風春樹每懷經歲別芳尊更喜故人同南山

未許將軍臥畫
角秋生動玉驄

楊文驄謁文信公祠

祠前古木長龍鱗丞相英風尙帶辛心捧一誠留日月身
當九死定君臣只須海上三千里已勝田橫五百人夜雨
不勞嫌寂寞卓
家地主在東鄰

國朝

王士正寄萬開來永嘉詩

漁洋山人詩

昔有謫仙人清風照寥廓文采映江表翱翔出東洛遂渡
永嘉來言尋謝康樂康樂不復有但存謝公巖赤霞自照
耀綠水猶潺湲放懷山水外跣脚天地間開元饒千載斯
人杳難攀萬公具仙骨妙筆餘清妍昔者東萊城岸幘三
山前至今海上鷗猶使思君賢傳聞去金陵秋江正澄清
過江富文流盡識使君名牙櫓朱絲絳鹿子趁風吹送君
石城頭去作永嘉客永嘉何菁蕤疊嶂入晴空龍湫落千
丈海日亂蒼紅雁蕩七十曲曲曲盡玲瓏容裔玉甌雲搖

曳吹臺風齋閣倚青壁秋香金桂叢風物固洵美定復思
謝李把酒問前賢主賓更相似吾家陸士衡公門稱國士
玩世識疎狂高義託君子自公南渡後
結襪風逸矣長謠寫心胸遠寄東甌水

嚴正矩春暉堂詩

炯炯西堂照月明空齋兀坐悵浮榮
苔生松石如嵐嶂鳥戀花枝到几楹
病類相如頻警咳懶同叔夜寡逢迎
一官岑寂千山外遂使今兼吏隱名

歐署咏懷

皓鶴寄園林時美雲閒鵠賦性本閒適
胡事乃羈束人生壯盛年有如秋草綠
霜雪不肯遲日月何局促貢子未遺榮
疏公差知辱裂素寫丹經焚香觀元籙
古人如可懷前修以自勛寥廓恣惆悵
惻惻內情傷顧瞻山河道迢遙非吾鄉
金風變時節梧葉送淒涼帝子渺天末
湘君水一方前途旣修阻州水徒蒼茫
寒裳不敢涉欲濟河無航行行復躑躅
空迴萬里腸

鍾淵映送朱彝尊遊永嘉

揮手去東甌春江綠水流山花開未盡二月下扁舟
落日催津鼓微風引權謳謝公幽賞地羨爾得重遊

朱彝尊永嘉元日

曝書亭集

官舍紅梅放繁花一樹春
誰憐元日會無復故鄉人

林齊鎡客舍送何天五之烏牛

露冷萍香秋夢紅送君孤嶼正西風
片帆東去飛如鳥無數青山入望中

胡濬春草池

約園詩集

遠樹飛霞接翠微池邊草色淨涵暉
晚來山鳥聲多異似道當年遊客稀

周天履江心寺次魯菴上人韻

春風十載阻披襟樽酒憑誰弔陸沈兩岸蒹葭愁朔吹中
川烟靄冷禪心僧來有地會堪借帝出無家此一臨千古

悠悠流不盡暮
帆收處渚烟深

李象坤次韻酬梅贊臣先生

荆菴詩文集

神交十載慕鴻文此日元亭問子雲
酒到吟邊堪慰我詩成花下却輸君
梅魂數點來庭際佳魄如鉤靜夜分
白雪吟高驚四座離離鶴立獨超羣

李象震寄懷林翰仙陳雲草

原注時二兄俱館柑溪暮菴集

昔年我向沅溪去爾卻攢眉城裏住
有時搔首望江關煙水蒼茫不知處
昨我移家城市閒爾又棲遲沅上山
日暮登樓望吾子但見兩岸碧天雲
影閒人生能得幾聚首莫使良朋離
索久君不見東園桃李開滿枝不堪
一夕東風起深紅淺白徧疎籬

歸楓林留別陳雲驥雲草雲趾林翰仙家昭令

薰風江上理行舟爲爾荷簫十日留
歸去雲山紫舊恨到來池館起新愁
陽春白雪憐同調錦石青林悵獨遊
別後

倘逢高會日應
憐孤客倚山樓

李雯江心寺

蜀僧初卓錫
簣石室川流巨剎
營龍窟長江湧鷺邱
鐘鳴潭底應
塔影水中浮
莫羨金焦好
珠林此較幽

胡璜鹿城春感

此齋詩稿

習習風生雨後天
園林柳影半含烟
賞心昔愛繁華地
作客今當遲暮年
鳧船東西譚士女
鼉山笙管會神仙
鹿城春事仍如昨
不信重來獨惘然

林文朗送連元芬歸菰溪

靜齋小草

柳綠迂君來菊盡
君歸去我亦離鄉人
與君同去住
譬彼燕與鴻
春秋時一遇
私幸無薰蕕
復得聯親故
君能善丹青
予時解佳句
今日送君行
強把衷情吐
菰溪與芙蓉
遠隔春天樹
判袂虹橋邊
何時重回顧

送王雲根歸鹿城

賓館無魚厭久留，依樓荆楚賦登樓。
歌驥自恨分南北，把酒誰爲合唱酬。
寒月照殘千里夢，朔風吹起一江愁。
東甌若遇傅梅驥，卻望音書寄隴頭。

林文煥題東山古廟壁

博笑集

日落蒼苔冷，風來古木悲。
不堪三五夜，更有月明時。

湯鎬雨後渡孤嶼友人留飲卽席分賦

薄暮雨初歇，山雲斷復連。
徐行出北郭，問渡到中川。
金利撐高漢，銀濤接遠天。
樓危凌絕嶠，樹密雜蒼烟。
漁火星沈海，潮音風鼓絃。
苔痕繡斷碣，草色映流泉。
人坐冰壺飲，詩成玉露篇。
恍然天地外，不復有塵緣。

韓則愈白泉詩

深山彌月苦，催科迤邐名。
泉今又過巖壑，自然成勝賞。
田廬其奈盡，消磨僅存菽。
麥聊如此，難緩軍需可。
若何獨坐小樓空，悵望一聲黃鳥出烟蘿。

袁枚偕高茗發俞運昌兩秀才登華蓋山

小倉山房詩

相傳容成子飛升在華蓋於今四千年仙迹宛然在蒙泉
水一泓清絕味可愛當門松五粒古極形多怪走登大觀
亭始信東甌大青青萬畝田縱橫如畫卦濛濛幾片雲山
腰橫作帶日未周八瀛心已窮兩戒取海來胸中將身放
外天

杭世駿題贈蔡梧野湖山清興圖

活筆應須妙景酬輸君十日賃僧樓
兩堤疎柳扁舟月領取明湖一段秋

陳敦讓次和張肇炳中秋對月原韻

南雁山人集

冰輪乍湧海東頭金掌光凝露氣秋幾處寒砧催永夜數
聲長笛動高樓星槎奉使人何在斗柄垂西歲已週爲望
鄉關添客思南天萬里碧雲收

送張肇上赴比武林次姚聲重韻

孤帆西上動離情雲路迢迢此計程
免穎已裁新格調韶表非復舊書生
富春江上天初遠西子湖邊月正明
千里相思人兩地好音應待塞鴻聲

錢維城十六日晨達温州

茶山集

潮駛三更落風平一葉輕晴巖明海色寒
樹雜江聲鳥語喧山寺人烟護郡城
爲耽遊興好遲爾半帆程

謝啟昆永嘉

樹經堂集

到處題名翠壁間家風賢守六朝山
年來無復西堂夢池草經霜兩鬢斑

姜希轍華蓋山

華蓋秋高逼絳河仙房自合在藤蘿
三生翠石千年在可有吹笙駕鶴過

林露癸卯初夏依綠園訪曾近堂出示新詩卽次奉酬

聚散俄更十二辰登堂似舊又翻新
輞川居認王摩詰谷口人逢鄭子眞
別久回頭憐鬢髮詩成餘韻繞梁塵
知君永嘉縣志

卷三十三

藝文詩外編

望

同有牽絲吉未
許高吟息此身

彭啟豐東嘉雜題詩

海風吹雨一時生十日濃陰不作晴
華蓋山頭花鳥寂占晴惟聽鵲鳩聲
飛霞臺榭女城閒窈窕窈窕窈窕妙可攀欲
訪謝公游屐履勝烟霞高寄在東山
羅襦錦繡耀康莊拂拭機絲鬪俗妝
孝女鷄鳴便成布只今人說浣紗坊
繼響唐音號四靈一編風雅振東溟
溯源誰似東嘉首刻露能開山水形

雷鉉遊江心寺詩

東甌攬勝出城闌孤嶼蕭疎絕點塵
鐘磬遠颺空宇靜林壑環映晚霞勻
一江清影心如冰十月輕寒氣似春
文卓祠前同下拜中流砥柱仰斯人

阮元自麗水縣放舟至永嘉縣四首

錄一

東甌國在海山邊十里江城萬井煙
已見颶風傾郭屋誰平鯨浪駕樓船
三盤島嶼參差出百粵帆檣雜遝連
豈似

登州高閣上碧
環千里接遼天

李鑾宣永嘉懷古八首 錄三

甌浦山前墓草荒居民今尙肅蒸嘗入關師定咸陽地遵
海茅分異姓王烏喙雲初遺廟在屋江風俗賽神忙靈旂
羽葆歸何處白鹿城高落日黃脫身虎口歷艱難却換
紅羊歲月殘信國孤忠如曠日趙家半壁付狂瀾舊聲入
夢風雲變海市成樓甲馬寒三尺短碑披蘚讀有人弔古
一憑欄羅山半世跡沈淪一疏俄邀主眷新聚訟盈庭
臣議禮潛藩入嗣帝明倫功名樞省思常渥故第
松臺草自春氣奪千官開黨禍後來流弊徧儒紳

端木國瑚孤嶼謁文信國公祠

百戰飄零越海東烟塵蔽日愴飛蓬欲回天地波濤上只
利河山涕淚中渡雁有聲催朔雪扶輦無力墜秋風此心
不逐狂瀾倒半壁猶懸氣似虹中興計已失偏安馬角
崎嶇歲月殘海外有天移北極塵中無地著南冠浮雲孤
嶼隨潮變暮雨荒陵入夢寒勝有
斷碑詩可讀河山猶作宋時看

東山草堂四首

錄二

虛堂鏡山水晨夕氣澄鮮海日松頭霧天星石眼泉巖高
猿果擲樓小鵲巢懸滿地踏難碎碧苔生紫錢地肺通
仙穴山眉列女牆拾芝青石隨積穀白雲糧藥井
銀瓶響松厨玉甌香隱居能久視真好讀書堂

曹應樞溫溪山中

山色蒼然暮晴陰氣不齊亂猿爭石上幽鳥背人啼
木落巖扃敞烟深樵逕迷何當攜謝客絕巘上丹梯

江心秋月

峭壁澹斜暉松風吹客衣江鴻隨葉下月兔帶雲飛
秋老愁心劇途窮壯志非越琴彈一曲臨水不知歸

贈王慶侯

王郎三十文才美輕車快馬京華市毫端氣欲生雲烟身
上衣難勝紈綺絢鈎曲直誰分明方者爲阜圓者卿獨將
白眼對當路胸中鱗甲森縱橫况逢不平卽攘臂千金未
足供睥睨王郎氣蓋長安城不省歸無立錫地五載承明

空上書沈吟猶未悵窮途江湖
吾亦思歸客同訪邯鄲舊酒徒

林從炯題春園敘樂圖

烏衣文酒弟兄賢羨此松臺屋數椽
隨意園林皆畫本全家裙屐總神仙
十年京國慙康樂三月池塘妬阿連
我近茅誰辦讓西田

項霽暮登江心西浮圖

且賦集

朱闌大半夕陽斜感慨登臨語不譁
蜀肆憑誰商出處荆臺敢謂擅詞華
天河影落三千水燈火星流十萬家
便欲袖攜王子晉笞鸞遙度赤城霞

晚登積穀山

磴樹出危堞歸禽對客閒
片雲千里色卷石六朝山
蠟屐間煙上銘崖水竹閒
儻從王謝侶吟眺不知還

九日遊大若巖

永嘉縣志

卷三十三

望

駢龍行謁大茅君石室先窺紫字文躡屨蕭疎逢暮雨攀
林杳靄正斜曛松梢泉白遠疑鶴天末峯青奇勝雲待輓
柴車探赤水吠
人枸杞夜深聞

永嘉城南舟行短歌

閩州城南天下無
甌僂洲渚同吳都
芙蓉朵朵青繞郭
扁舟煙雨橫菰蒲
濱海壤狹田頗腴
橘官有秩魚有租
耕田上洄意良得
旁引羊腸百里湖
民生飯稻何所須
沃土可羨亦可虞
選人豈肯素多事
只合延緣稱釣徒

周含萬畱別東嘉士民六首

笑脫朝衫賦遂初
黃梁一枕夢醒予
福因失馬憑誰測
拙可藏鳩轉自如
秋水雅同人意澹
曉星難比宦情疏
催歸杜宇聲聲急
願駕長安道上車
管領雷封兩度霜
東甌風景勝錢塘
天涵海氣朝開市
城挹江流夜泛航
四野秋高禾黍賤
六街春暖管絃忙
謝公池畔餘芳草
早藝詩龕一瓣香
花落閒庭鳥不喧
簿書無惹宰官煩
敢矜小試操餘刃
可有微明照覆盆
茅屋未豐終鮮惠
蒲鞭仍在已傷恩
何當細柳營中士
也把甘棠一例論
衙齋小宴集

門生愧我公然月旦評褒貶豈真關一字笑談容易到三
更要除熱宦烏紗氣肯負初心白水盟珍重春華須努力
讀書何止爲科名漫將高誼比濃雲更比濃雲厚十分
虛譽自慚稱衆母多情何忍累諸君縱教劉寵錢堪選那
許馮讎券盡焚此去清風攜兩袖不須重作送窮文擲
地聲敲字字金送行都作短長吟三升枉費詩人墨五斗
難移醒客心海國雲山鵝印雪湘江花月鳥
投林河梁西去頻回首一曲囊歌思不禁

孫希旦瘦銅先生席上食橘同賦用董香光贈橘詩韻

萬顆青黃閒淺深巽山東畔舊登臨自從京洛來爲客不
見家園直至今座上芳辛流十指江南烟雨入初心尊鱸
一種秋風思又遣中宵日髮侵

金衍宗咸豐甲寅新正六日出城南看迎春歸作歌寄朱

老夫七十五歲人眼飽七十三回春天春畧比祝盆祝土
牛四見東甌新陽和一氣迴鴻鈞沈陰剛喜開茲晨所願
六台清烟塵迎春冠蓋填城闕旌旆飛揚鼓吹震太平同
樂官吏民康衢競祝風還消飛霞洞口經過頻籬霞仙人

元嘉集卷一
朝列真采藥游戲滄溟濱更有赤壁吹笙賓跨鶴來作東
萊神似問匏繫今何因我返策杖行遠巡壯不努力徒酸
辛擣散早負男兒身芳草色染青袍勻髻年頭角曾超倫
故人天末如參辰擬托尺素雙文鱗隴梅一枝持贈均想
君高臥鸚湖濱詩題人日情諳諳定念草堂羈棲貧憐我
久客衰誰親鶴骨瘦盡雞皮皺鬢絲半鏡蕭蕭銀遠隔雲
樹淒含顰擘柑聊快香
流脣無田不歸君莫瞋

王樹榮題陳堯人廣文隨蔭讀書圖

脩然吾亦愛吾廬倚樹長披一卷書
落葉半窗疏雨冷思君秋夢在清虛

潘自彊題隨蔭讀書圖

十年空想古鬚眉秋樹匡牀恍見之莫道先生官獨冷至
今東浙奉經師猶憶趨庭罷講時科頭箕踞意遲遲長
松一昔成風樹終
古皋魚共此悲